

慈航老法師示寂經過。生平事略及遺囑


治喪委員會

示寂 五月六日上午，慈老法師精神奕奕，授課寫作，一如平日，不意午飯過後，(十二點十分)方執筆編寫「藏經目錄」，突患腦溢血。同學發覺後，隨即越牆湧進關房，悉心維護。老人見狀，鎮定如常，其時口已封言，故無一語付囑，只將已成之部份藏經目錄原稿，從容再三整理，納之匣中。觀其表情，對此未完工作，似示遺憾！同學當即小心昇老人就床，旋嘔吐兩次，至九時，神志漸趨昏迷，先後請兩醫生診治，血脈已高至二百一十度。經注射後，雖略減低，能與探望者頻頻握手，但因老人早知好去處，終于當晚十時十分，在四眾念佛聲中，安祥入滅。三日後，奉移遺體跏趺坐籠中，面目如生，儼然老僧入定。

生平 法師祖籍湖北，世居建寧，俗姓艾，號繼榮，別字彥才，父炳元公國子監生，母譚氏，系出名門，以淑德稱。師生有異徵，母氏臨終七日方脫，幼而岐嶷，稍長，從父讀，十歲喪母，更八年又失怙，一弟早夭，愴然一身，伶仃孤露，幼讀私塾，毗連佛寺，晨鐘夕嘖，受感者深，丁外艱後，詣鄰邑泰甯職銜家出家，禮自忠和尚為師，次年秋於江西九江能仁寺求戒，時方鼎革，故其僧臘與民紀齊年，其後參訪於安徽九華，學禪於常州天寧，以次遍禮天台，普陀諸道場，於揚州高旻參求向上，代理寺職，旋聽教於諦悟法師，學淨於度厄長老，民十六投福建廈門南普陀寺閩南佛學院請太虛大師講益，後來事業，由此為基，其研究教理，矢志弘法，亦以淵源於大師者為多。師嘗語人：「以師志為己志」。可窺見其所服膺矣。其後閉關兩度，閱藏六載，於任安慶迎江寺住持時，曾創辦佛學研究部，僧伽訓練班，業務務學，國民學校，肆力教育，頗獲虛大師之稱許。十九年赴香港講經，隨至南洋，留居仰光，創辦仰光中國佛學會，法緣之盛，得未曾有。二十四年歸國，經香港、粵東、上海、溯江而上，歷無錫、常州、鎮江、南京、桐城、九江、廬山、武漢、卓錫所向，經素景從，有治講集兩軌行於世。

二十九年太虛大師組織中國佛教國際訪問團，師為團員之一，隨赴緬甸、印度、錫蘭等國，宣傳抗戰國策，聯絡佛徒感情，摘發敵偽陰謀，收效甚偉，隨其所至，中緬、中印、中緬各文化協會以次成立，迨虛大師由越南返國，師仍留馬來亞，其間往還於暹羅，馬六甲，吉隆坡，怡保等地，巡迴講經，創辦星洲菩提學院，檳城菩提學院，星洲菩提學校，檳城菩提學校，星洲佛學會，雪州佛學會，怡保佛學會，檳城佛學會，佛教人間月刊社等。三十七年應本省新竹中環圓光寺之請，來臺創辦佛學院，一時聽講者雲集，第一期畢業後，以費絀停辦，講席中輟，群感闕然，幸得汐止靜修院達心玄光二住持，發廣大心，築建彌勒內院於後山，為師駐錫授課之所，內地來臺之青年僧伽咸來聽講，逐日講授因明、唯識、楞嚴、楞伽、攝論等大乘經論，並以太虛大師全書經講課本，週星期日則於下午二時作通俗演講，闡揚佛教精義，導正人心歸趨，由臺北基隆各地來院聽講者日眾，其中尤以軍政教育文化各界人士為多。

師體貌魁偉，辯才無礙，隨拈一義，莫不深入淺出，譬解詳明，以故土庶傾心，孺共喻，秉性冲曠，絕無町畦，其於財物，從無隔宿之儲，常曰：人命在呼吸間，何一為此。師生於光緒二十一年乙未八月初七日：寂於民國四十三年甲午五月六日，享壽六十歲，法臘四十有二。



示預筆絕日二前病得 (圖上)



(左圖) 慈老親筆遺囑原文攝影